



渭厓文集（三）

（明）霍韜著

渭厓文集（三）

（明）霍韜著

出現社

圖書在版編目 (CIP) 數據

渭厓文集：全 6 冊 / (明) 霍韜著．—桂林：廣西師範大學出版社，2015.2

(西樵歷史文化文獻叢書)

ISBN 978-7-5495-6354-8

I. ①渭… II. ①霍… III. ①霍韜 (1487~1540) —文集 IV. ①Z424.8

中國版本圖書館 CIP 數據核字 (2015) 第 027065 號

廣西師範大學出版社出版發行

(廣西桂林市中華路 22 號 郵政編碼：541001)
(網址：<http://www.bbtpress.com>)

出版人：何林夏

全國新華書店經銷

廣西大華印刷有限公司印刷

(廣西南寧市高新區科園大道 62 號 郵政編碼：530007)

開本：890 mm × 1 240 mm 1/32

印張：78.875 字數：350 千字

2015 年 2 月第 1 版 2015 年 2 月第 1 次印刷

定價：278.00 元 (全六冊)

如發現印裝質量問題，影響閱讀，請與印刷廠聯繫調換。

總目

一	評介
二五	霍文敏公全集（清同治元年石頭書院刻本）書影
二七	倫以諒序
三五	金立敬序
四三	鄭際泰序
五三	徐台英序
七三	原刊本校梓名錄
七五	原刊本目錄
一三一	卷之一上疏
二一九	卷之一下疏
二九九	卷之二上疏
三八九	卷之二下疏

五一九	卷之三上	疏	一三六三	卷之六上	祭文
五五七	卷之三下	疏	一四二七	卷之六下	書
七四三	卷之四上	疏	一五二五	卷之七上	書
九二三	卷之四下	疏	一五八七	卷之七下	書
九九七	卷之五上	議	一六六七	卷之七下	詩
一〇三七	卷之五上	序	一七九一	卷之八上	吏部公題
一〇八九	卷之五下	序	一九五七	卷之八下	吏部公行
一二四九	卷之六上	記	二〇〇三	卷之九上	吏部公行
一二五九	卷之六上	跋	二一二七	卷之九下	南京禮部公行
一二七一	卷之六上	說	二二五五	卷之十上	南京禮部公行
一二七三	卷之六上	傳	二二六九	卷之十上	途次公移
一二九七	卷之六上	碑銘	二二八一	卷之十上	詹事府公行
一三五十一	卷之六上	狀	二二八九	卷之十上	大公集錄

二三〇一 卷之十下 兩廣事宜

二三三九 卷之十下 家訓前編

二三六一 卷之十下 家訓續編

二四七五 卷之十下 補遺

二四八一 石頭錄（見本叢書單行本）

正風俗疏

時南京禮部尚書

臣到任蒞事見南京都城內外凡送喪出葬用鼓樂前導僧尼混雜有喪之家於郊外大置筵席男子自爲一聚歡宴酒食婦女自爲一聚亦歡合酒食以筵席豐大爲美觀以賓親衆集爲富盛喪塋甫畢家已空乏故有停喪不葬踰數十年暴露其親者婦女送喪麗服艷容競爲冶色惡少聚觀共相誇羨禮教蕩然矣臣乃諭之曰遭喪以酒食燕客其哀戚之心何如也送喪者餌人酒食其廉恥之心何如也婦人出門擁蔽其面禮也治容麗服呈身郊郭餌人酒食其

羞惡之心何如也

聖天子在上制作禮樂以風天下南都天下之表也俗陋若此何以對敷

聖化乎古者禮不下庶人欲行禮借士禮與行焉表率風化自士始自今送喪用樂用僧道用酒食筵宴縱容婦女治豔送喪是士行大虧缺也謹按律例行檢有虧不得入仕生員吏典黜退爲民監生省祭丁憂養病官不得起送赴選見任官移咨吏部紀過備考察焉衣冠士夫以禮率先庶民之家得於觀感自相愧覲陋俗庶可革化語云道之以德齊之以禮士夫之

任也自^臣諭後南京居人皆云自今送喪得簡省財
費不破家也喪得早葬不暴露也自舊歲之臘至于
今春庶民送喪皆遵典禮古喪不葬悉舉葬矣婦女
不治容出郊矣是皆鼓舞

聖化樂於趨者也惟南都俗雜四方習尚易變不知日久
又何如也乞

敕禮部會同都察院申明禁諭永承欽承風化之要務也
又南京尼僧視別省爲尤盛淫污之俗視別省爲尤
劇尼僧外假清修內實淫恣有暗宿姦僧袈裟莫辨
誘招女婦入庵禮佛恣肆姦淫者有羣諸惡少竊伏

文每公全集卷之四

三

菴院誘婦女禮佛潛通姦宿者武臣民庶愚而無知
謂妻女入菴禮佛修善也不知羣淫潛恣也勲戚貴
勢利有尼僧易恣情慾爭爲庇護故於往年欽奉

敕旨化正僧徒全不奉行臣乃諭之曰男女有別古之制

也尼僧內無夫家上無父母下無嗣育不亦可憫乎

名爲修行實則敗倫自汚已身復汚人妻女不亦可

惡乎

聖天子在上拳拳化正僧徒所以明人倫也南都尼僧之
弊如此何以奉揚

聖化乎乃行五城示諭地方凡尼僧菴院盡籍于官尼僧

年五十以下聽擇配偶五十以上還俗依親自相胥
居焉無親可歸者天下之窮婦人也送養濟院收恤
焉菴院銅像送工部銷毀焉木像泥像悉從毀撤菴
院銅鐵物器聽尼僧自利菴院木料地基召民承買
價銀給尼僧還俗資衣食焉仍寬二月之期俾地方
敦諭切誨庶幾彼知天倫之正自樂於從也仍禁鄰
里毋因機爲暴驅之速急捨尼僧物器致失所而無
於歸也所以奉敷化正之

德意也今女尼年三十而下者悉返父母之家矣淫風自
是革化矣人家妻女無菴院潛行矣惟勢家勲戚私

三 每公台集 卷之四

三

勅禮部尚多庇護乞

勅禮部會同都察院申明禁例凡尼僧私勑菴院盡行毀
撤勲戚勢要潛庇尼僧聽科道糾治庶淫風永息俗
化永清尤地方切賴幸也

聖旨禮部看了來說

明禮制疏

臣叨任禮官凡禮節儀式皆臣職掌若

大慶賀儀實臣下尊敬

君上之禮若出

制帛儀實 朝廷尊事

郊廟之禮小有差失皆屬不敬若百官相遇相臨之禮乃
國家所以辨上下以昭大分崇等威以定治體者小有

差失則上下相凌治體戾矣臣禮官也禮之得失職

守之責也臣伏覩

大明會典 元旦冬至

卷之四

三

萬壽聖節臣下拜 賀皆行十二拜禮山呼舞蹈惟南京獨行八拜禮不山呼不舞蹈臣問之曰何爲簡禮若是也皆曰南京舊例如此百七十年南京拜

賀惟八拜禮

臣

曰拜賀之儀兩京一體也乃與糾儀御

史議曰盍照北京儀節庶於敬心爲協於禮爲得也或者曰舊例如是遽爾改更恐於不可臣曰

大明會典乃舊例也讀者徒見詳於北京畧於南京遂謂八拜禮南京舊例也不知兩京一體也臣下尊敬

聖上兩京一心也乃遂僉議行十二拜禮山呼舞蹈惟慶祝之詞尚循司府之例不敢輕改也乞

敕禮部查議或照在京致詞抑復惟照司府祝詞俾南京文武百官永遵式焉由是臣下知尊事

君上之禮不敢簡畧所以廣忠敬之化於萬方也凡出

制帛皆本部行欽天監選吉日時文武百官吉服騎導於郭門之外拱立路隅

制帛過乃退斯禮也歷年行稿具存可質惟會典無考故於近年之出

制帛也百官罕有送者甚則參差不齊慢怠不敬或者疑曰會典無送

制帛之禮是不宜送也或又曰南京宜送北京文武百官於

三海公集

卷之四

三

制帛之進亦宜迎也北京官不迎南京官亦勿送可也

臣

則曰

制帛用之於

郊所以尊事

天地也用之於廟所以尊事

祖宗也百官騎送

制帛所以尊敬

天地也尊敬

祖宗也不敢忽也惟一歲兩送恐失之煩煩則易褻是諸

臣所以或送或不送禮失之慢也乞

敕禮部定議凡

郊廟制帛年一導送焉百官必齊禮度必謹有不至者有失禮者以不敬論餘則遇缺

進用小省煩瀆禮亦易行也抑謂事

神之禮寧過於敬

制帛出進百官皆送且迎著爲定例行各文武百官式且遵焉由是臣下皆知事

神之禮亦所以廣

聖明仁孝之化於萬方也去年臣具奏官員相遇迴避之

禮都察院會同禮部覆題內開六科相遇部院三品